

Josef und Maria wollten gehn miteinander

1. Jo - sef und Ma - ri - a woll - ten gehn mit - ei - nand. Sie rei - sen weit

furt in das welt - frem - de Land. Mei lia - ba Jo - sef, wia

weit gehn ma no? I mag nea - ma gehn, wo bleibm ma denn do?

2. „Mei liaba Wirt, behalt uns heut Nacht da!
Wannst für uns koa Bett hast, mir liegn a im Stroh.“
„Kann enk nit gholtn. Was seids ös für Leut?
Ös miaßts gehn in d’ Stadt, habts eh neama weit.“

3. Wia s’ eini sein kema, hat d’ Uhr zwölfi gschlagn.
Maria und Josef koan Herberg toant habm.
Denkt si Maria: Mei Kind wird geborn!
Im Stall aufm Stroh liegt Gottsohn auserkorn.